

APPROBATIO

Eminentissimi, ac Reverendissimi Domini

THOMÆ PHILIPPI S.R.E. PRESBYTERI CARDINALIS
DE ALSATIA, DE BOUSSU,

Dei, & Apostolicæ Sedis Gratia Archiepiscopi Mechliniensis, Primatis Belgii, &c.

Quod de viro undeaque Eminentissimo, nec minus Sanctitate, quam doctrinâ venerabilis Roberto Cardinale Bellarmino, passim tradidere Catholici Scriptores, controversiarum ejus Libros, accuratissimâ methodo digestos, & vi istius Sectarios, incredibili Catholicorum omnium applausu, & fructu debellasse; id non impari merito ad harum Constitutionis UNIGENITUS Vindiciarum Authorem transferri posse videtur, cuius jam tertium absolutissimi operis Volumen prodit, exarmans novos seculi nostri Sectarios, eo periculoso, quod filii degeneres adversus Matrem pugnare non desinunt. Ad hujus itaque lectionem ipsos impensè hortamus, non desperantes correctionem; Si modò, sepositâ arroganti præsumptione, doceri se sustineant, & invictissimis argumentis non ultra refragantes, agnoscant, quantâ æquitate, & necessitate compulsus fuerit Sanctissimus Dominus Noster Universalis Ecclesiæ Pastor, & Doctor, centum, & unum temerarii homuncionis errores configere, quemadmodum hoc quoque Vindicularum volumine evidentissimè demonstratur. Istud igitur, & quæ, ac priora duo, omni Theologicâ Catholicâ doctrinâ, & eruditione refertum, atque ad reducendos erroneous fratres aptissimum, nostro suffragio, & auctoritate approbamus.

Datum Mechliniae in Palatio nostro Archiepiscopali die 3. Aprilis anno 1721.

Tho. Cardinalis de Alsatia Archiepiscopus Mechlinien.

De mandato Eminentiss., ac Reverendiss. D. Cardinalis Archiepiscopi
G. P. Hoyck Van Papendrecht Secretarius.

APPROBATIO

Illustrissimi, ac Reverendissimi Domini

D. THOMÆ JOSEPHI A MONTIBUS

Dei, & Apostolicæ Sedis gratia Archiepiscopi Seleuciae, Sanctissimi Domini Nostri CLEMENTIS PAPÆ XI. Episcopi Assistentis, & Prælati Domestici: Sacrosanctæ Archibasilice Lateranen. in Urbe Canonici; Episcoporum Examinatoris; Congregat. Sacrор. Rituum, & Supremi Romanæ Inquisitionis Tribunalis Consultoris.

Mihimetipſi iubens adgratulor, quod Tomi quoque Tertiæ Constitutionis UNIGENITUS Theologicæ propugnatæ, approbandi fors tenuitati meæ feliciter obtigerit. Excelsum quidem, majestatisque plenum præfert argumentum, cunctis Christiculoribus apprimè proficuum, cunctis item Euangelicam Legem callentibus certum, solummodo iis qui à vera Religionis unitate, perfectâque claritate desciverunt, capitaliter exosum. In eo, ut in prioribus, Author sibi semper similis, idemque est; semper scilicet modestum disceptatorem Theologum agit, nullatenus audacem Fidei Definitorem. Quicquid etenim censuram Propositionis cuiuslibet peculiarem redolet, non pluris eam fieri desiderat, quam propositæ juxta ejus sensum rationes ostenderint. Mentre Pontificis scrutari ultra, quam ipse declaravit, neutiquam præsumit; sed quod ab eadem inconcussa Petri Cathedra præscriptum fuerit, id unum firmiter amplectitur; quod repudiatum, omnino repudiat, & damnat. Quandoquidem novit scientissimus & quæ, ac prudentissimus harum Propositionum impugnator, ad veritatem, tam quoad dogmata, quam quoad